

պատճառի եկն , եւ զոր տեղիս 'ի քննութիւն էառ , եւ որպիսի եղև վախճան գործոյն : Եւ Համուլլահ Դատաւորին վասն Զիթենեաց լերին տուեալ Հէօճճէթքն 'ի հաստատութիւն առաջնոյ Դատաւորի՞ն էին , եթէ 'ի ժամանակս իւր վասն շինութեան եւ նորոգութեան տեղեաց տուեալ են . այսոքիկ բացատրութեան պէտս ունին :

Փոխանորդն Յունաց .

1°.—Վասն այնորիկ խոստացաք տալ Դատաւորին 30,000 գահեկան՝ կործանել զշինուածս Հայոց , զի մեք շինեսցուք զայն որպէս արժանն է , զի գործ շինութեան մեզ յանձն եղեալ է , որովհետև ջնջեցան արձանագրութիւնք հրովարտակացն Հայոց , խմատիւք նոցին շինեալ իրքն խափանեալ համարին , յոյր սակս խնդրեցաք զկործանումն նոցին :

2°.—Ի բաժանորդութեան Բեթղեհէմի 'ի ՎԱ թուականէ մինչեւ օԿ թուականն միակերպ ընթացեալ եմք , եւ ոչ երբէք լեալ է հակառակութիւն ինչ սահմանի բաժանորդութեան 'ի կողմանէ Հայոց , միայն 1777 թուին աւելորդ իրքն Հայոց խափանեցան 'ի ձեռն Դատաւորի :

3°.—Պատճառ գալստեան Միւնլիպ Էֆէնտեայ , զի 'ի 1700 թուին խարխալեալ էր հիւսիսային որմն եկեղեցւոյ յատկացեալ Հայոց , և յաղագս պատասարելոյ զայն շինեցաք կէս կամար 'ի վերայ եկեղեցւոյն Հայոց , և նոքա վիճեալ ընդ մեզ , ետուն քակել զայն օրինօք Դատարանի : Եւ 'ի ժամանակին յայնմիկ պատահեցաւ յեկեղեցին Բեթղեհէմի Աղէքսանդրիայ ընդհանուր Հիւպատոսն Ռուսաց Գոնդրմիտիմ , և 'ի դառնալ նորա 'ի տեղի իւր՝ ծանունուցեալ է Փոխարքային զհանգամանս գործոյն , և նա առաքեաց զՄիւնլիպ Էֆէնտի 'ի քննութիւն : Եւ եղև 'ի հասանիլ նորա յերուսաղէմ , մատոյց 'ի քննութիւն զտեղիսն առաջի Դատաւորին եւ այլազգեաց քաղաքիս , և 'ի նմին ժամանակի հաստատեցաւ օրինօք թէ Հայոց եկեղեցւոյ կապարապատ ձեղունն , տանիսն և օդն , նորոգութիւն կապարին , աւելածութիւնն , եւ հիւսիսային որմոց մինչ 'ի կապարն լինել սեփհական Յունաց . և վասն այսր տուաւ մեզ Հէօճճէթ 'ի Դատարանէ , այս էր պաշտօն Միւլիպ Էֆէնտեայ :

4°.—Հէօճճէթքն Հայոց՝ որոց մին տուեալ է նախկին